



Adroddiad Blynyddol y Llywodraethwyr i Rieni

Tymor yr Hydref 2020

Rhagair gan Gadeirydd y Llywodraethwyr

Pan agorwyd ein drysau fel ysgol 3-19 newydd sbon ym mis Medi 2019, roeddem ni'n eithriadol o falch. Mewn ychydig dros flwyddyn, roeddem ni wedi gwireddu'r weledigaeth i sefydlu'r ysgol 3-19 cyfrwng Cymraeg mwyaf newydd yn RhCT. Gan gydweithio â'r Pennaeth, bu'r llywodraethwyr yn brysur yn penodi 116 aelod o staff; datblygwyd gweledigaeth ar gyfer sut byddai'r ysgol newydd yn gweithredu, gyda'i hysgolion isaf, canol, uchaf ac uwchradd; ar ôl cyfnod o ymgynghori, cyflwynwyd gwisg a brand ysgol newydd; a buom yn gweithio gyda'n hysgolion cynradd clwstwr i sicrhau eu bod nhw'n rhan o'r weledigaeth hefyd. Cynhaliwyd cyngerdd o fewn ychydig wythnosau o agor yr ysgol newydd, gyda disgyblion a staff o bob rhan o'r ysgol, a dangosodd hyn sut byddai'r weledigaeth yn dod at ei gilydd. Roedd yn wefreiddiol.

Sefydlwyd Corff Llywodraethol newydd sbon ar ddechrau'r flwyddyn academaidd, a dechreuom ni ar y gwaith sylweddol i ailddrafftio polisiau ar gyfer yr ysgol newydd, paratoi prospectws, a gosod targedau datblygu ar gyfer y flwyddyn gyntaf. Gallai neb ohonom ni fod wedi rhagweld y byddai'r pandemig yn ei anterth ymhen chwe mis, ac y byddem yn addysgu ac yn gofalu am les disgyblion yn gyfan gwbl o bell.

Pan fu modd i ysgolion ailagor yn rhannol ddiwedd mis Mehefin, roeddem ni mor falch o groesawu ein disgyblion a'n staff yn ôl i'r adeiladau. Cafwyd ymdrech enfawr gan y tîm i baratoi ar gyfer ailagor. Er ein bod wedi gweithio gyda staff o'n hysgolion cynradd clwstwr am rai misoedd i weithredu hyb ar gyfer plant gweithwyr allweddol a disgyblion dan anfantais, roedd yn hyfryd croesawu pob grŵp blwyddyn trwy gydol y tair wythnos hynny. Roedd yn ymddangos bod y disgyblion yn falch o fod yn ôl hefyd, ac yn croesawu'r cyfle i gael strwythur a threfn, yn ogystal â rhyngweithio cymdeithasol, a oedd wedi bod mor anodd yn ystod y cyfnod clo.

Cyflwynodd cyfnod canlyniadau arholiadau'r haf cyfres gwbl newydd o heriau i ddisgyblion a staff, yn enwedig y canlyniadau Safon Uwch. Bu staff yn gweithio'n ddiflino i gefnogi myfyrwyr yr oedd yn ymddangos eu bod i ddechrau wedi cael eu hamddifadu o'u lle yn y brifysgol o'u dewis trwy algorithm. Wedyn, pan benderfynwyd y byddai Asesiadau Athrawon yn cael eu defnyddio i bennu deilliannau, bu staff yn gweithio'n galed eto i sicrhau bod pob un o'r rheiny oedd eisiau lle mewn Prifysgol, yn cael lle. Doedd y canlyniadau TGAU ddim mor drawmatig, ac roeddem ni'n falch â'r canlyniadau cyffredinol. Mae'n deyrnged i waith caled pob un o'n staff a'n disgyblion fod ein mesurau asesu wedi gweithio, yn y pen draw, a bod disgyblion wedi cael y canlyniadau roeddent yn eu haeddu. Dymunwn bob lwc iddynt ar gyfer y cam nesaf yn eu taith.

Rydym ni wrth ein bodd â'r cyfleoedd mae'r strwythur ysgol newydd yn eu darparu, o dan amgylchiadau arferol, ar gyfer cydweithio ar draws y grwpiau blwyddyn, ac mae rhai myfyrwyr chweched dosbarth yn cynnig gweithgarwch allgyrsiol amser cinio ac ar ôl yr ysgol, ac mae mentora wedi'i sefydlu ar draws grwpiau blwyddyn eraill, gan alluogi ein disgyblion i gefnogi, galluogi a helpu ei gilydd. Mae'n amlwg fod y gwaith hwn wedi cael ei gyfyngu rhywfaint gan y pandemig, ond mae'n sicr yn batrwm y byddwn yn ei ailsefydlu yn y dyfodol.

Mae'r Corff Llywodraethol wedi parhau i gyfarfod a chynnal ei fusnes ar-lein, ac rwy'n diolch i'm cyd-lywodraethwyr am eu hymroddiad a'u proffesiynoldeb. Mae is-bwyllgorau wedi parhau i gyfarfod hefyd, a chynhaliwyd cyfweiliadau trwy'r dull newydd hwn. Rydym ni'n benderfynol o weithio gydag arweinwyr a staff yr ysgol i ddarparu'r cyfleoedd gorau posibl i'n holl ddisgyblion dros y blynyddoedd i ddod.

Julie Barton
Cadeirydd y Llywodraethwyr

Cyngor Bwrdeistref Sirol Rhondda Cynon Taf

Corff Llywodraethol Ysgol Garth Olwg

Mae'r adroddiad hwn yn crynhoi'r camau a gymerwyd gan y Corff Llywodraethol wrth gyflawni ei swyddogaethau ers cyhoeddi'r adroddiad diwethaf.

Clerc i'r Corff Llywodraethol

Y Clerc i'r Corff Llywodraethol yw'r Swyddog Cymorth i Lywodraethwyr, sef Anneli Hunt, Tŷ Trevithick, Abercynon, Aberpennar, CF45 4UQ.

Cadeirydd y Corff Llywodraethol

Cadeirydd y Corff Llywodraethol yw Ms Julie Barton d/o Ysgol Garth Olwg, Heol Sant Illtyd, Pentre'r Eglwys, CF38 1DX.

Aelodau'r Corff Llywodraethol

Mae'r bobl ganlynol yn aelodau o'r Corff Llywodraethol ar hyn o bryd.

Enw	Categori Llywodraethwr	Penodwyd Gan	Dyddiad Ymddeol
Julie Barton Alex Harden Ray Butler Graham Stacy Sara Thomas	AALI	Aelodau'r Cyngor	31.8.23 i bawb
Lynsey Edwards Rhys Llewelyn Richard Martin Sam Rosie Rebecca Villis	Llywodraethwyr Cymunedol	Corff Llywodraethol	10.10.23 i bawb
Sioned Geraint Ann Griffiths Kathryn Gwyn Rhuanedd Richards Anna Spicer Mike Thomas	Rhiant	Rhieni	30.9.23 i bawb
Carys Amos Lowri Stagg	Athro	Staff Addysgu	12.9.23 25.9.23
Alyson Samuel	Staff	Staff Nad Ydynt yn Addysgu	3.10.23
Trystan Edwards	Pennaeth		31.8.23

Pan fydd wedi'i sefydlu'n llawn, mae'r corff llywodraethol yn cynnwys y canlynol:

Cynrychiolwyr yr AALI	5
Rhiant Lywodraethwyr	6
Cynrychiolydd Staff	1
Pennaeth	1

Llywodraethwyr Cymunedol	5
Athro Lywodraethwyr	/ 2
Llywodraethwyr	
Is-Awdurdod (os yw'n berthnasol)	0
Cyfanswm	20

Treuliau Llywodraethwyr

Yn ystod y flwyddyn 2019/2020, ni thalwyd treuliau i unrhyw lywodraethwyr am eu gwaith i'r ysgol, ac nid oedd costau teithio chwaith o ganlyniad i'w gweithgareddau ar ran yr ysgol.

Penderfyniadau

Ni phasiwyd unrhyw benderfyniadau yn y cyfarfod diwethaf.

Ethol Rhiant Lywodraethwyr

Cynhelir etholiad nesaf rhiant lywodraethwyr ym mis Medi 2023.

Fodd bynnag, os bydd unrhyw Riant Lywodraethwr / Lywodraethwyr yn ymddiswyddo cyn y dyddiad hwn, bydd trefniadau'n cael eu gwneud i gynnal etholiad ar yr adeg briodol.

Data ar Berfformiad yr Ysgol

Yn ystod y flwyddyn academiaidd hon, nid yw'n ofynnol i ni gyhoeddi ffigurau o ganlyniad i newidiadau i bolisiâu LIC.

Mae'r ysgol wedi ymrwymo i wella safonau ar draws pob agwedd ar fywyd ysgol, er mwyn i'n holl ddysgwyr gyrraedd eu llawn botensial.

Datganiad Ariannol – yn Cwmpasu'r Cyfnod 2019-20

Mae copi o ddatganiad ariannol yr ysgol ar gyfer y Flwyddyn Ariannol wedi'i amgáu, fel Atodiad A.

Prosbectws yr Ysgol

Ar hyn o bryd, mae'r Corff Llywodraethol wrthi'n gweithio ar Brosbectws Ysgol newydd sbon i adlewyrchu ein statws 3-19. Yn anffodus, cafodd y gwaith hwn ei ohirio gan y pandemig, ond wedi i'r prosbectws gael ei gynhyrchu, bydd yn cael ei adolygu bob blwyddyn i gynnwys unrhyw newidiadau sy'n ofynnol gan Lywodraeth Cymru neu gyrff eraill cysylltiedig. Yn gyffredinol, cyflwynir copi o'r prosbectws i rieni y mae eu plant yn dechrau'r ysgol am y tro cyntaf, neu'n trosglwyddo o ysgol arall. Bydd copi o'r prosbectws hwn yn cael ei roi ar wefan yr ysgol.

Rhoddir gwybod i rieni os caiff unrhyw ddiwygiadau eu gwneud i'r prosbectws presennol.

Cynllun Datblygu Ysgol

Mae'r Pennaeth a'r Tîm Arweinyddiaeth, ar y cyd â'r corff llywodraethol, yn gyfrifol am lunio'r Cynllun Datblygu Ysgol. Mae'r cynllun yn nodi i ba gyfeiriad y bydd yr ysgol yn mynd wrth gyflwyno'r cwricwlwm a chodi safonau ar draws yr ysgol. Caiff y cynllun ei fonitro a'i ddiwygio'n rheolaidd i ystyried y cynnydd a wnaed, ac unrhyw newidiadau i ofynion y cwricwlwm.

Bydd y Cynllun Datblygu Ysgol blynyddol ar gyfer blwyddyn academiaidd 2020/21 yn cael ei ystyried a'i gymeradwyo gan lywodraethwyr, a bydd staff yn ei roi ar waith. Y flaenoriaeth fydd adfer yr amser a gollwyd yn ystod y cyfnod clo a sicrhau bod yr holl ddisgyblion yn dal i fyny â chynnydd a gollwyd; a bod disgyblion mewn blynyddoedd tyngedfennol yn barod ar gyfer arholiadau a/neu asesiadau athrawon, pa un bynnag o'r ddau a ddefnyddir eleni.

Defnyddio'r Gymraeg – Cyfathrebu

Mae'r ysgol hon yn ysgol cyfrwng Cymraeg. Caiff gwersi a gweithgareddau eraill yr ysgol eu cyfleu trwy gyfrwng y Gymraeg. Cyfathrebir â rhieni a'r gymuned ehangach yn ddwyieithog.

Dyddiadau Tymhorau a Gwyliau yn ystod Blwyddyn Academaidd 2020/2021

Amseroedd tymhorau ysgol, 2020 i 2021

Tymor	Dechrau	Hanner tymor	Gorffen	Gorffen
		Dechrau	Gorffen	
Hydref 2020	Dydd Mawrth, 1 Medi 2020	Dydd Llun, 26 Hydref 2020	Dydd Gwener, 30 Hydref 2020	Dydd Gwener, 18 Rhagfyr 2020
Gwanwyn 2021	Dydd Llun, 4 Ionawr 2021	Dydd Llun, 15 Chwefror 2021	Dydd Gwener, 19 Chwefror 2021	Dydd Gwener, 26 Mawrth 2021
Haf 2021	Dydd Llun, 12 Ebrill 2021	Dydd Llun, 31 Mai 2021	Dydd Gwener, 4 Mehefin 2021	Dydd Mawrth, 20 Gorffennaf 2021

Diwrnodau HMS

2 Hydref 2020
16 Tachwedd 2020
12 Chwefror 2021
25 Mehefin 2021
19/20 Gorffennaf 2021

Ysgolion Bro

Ysgol fro yw ysgol sydd: 'yn darparu ystod o wasanaethau a gweithgareddau', yn aml y tu hwnt i'r diwrnod ysgol, i helpu diwallu anghenion ei disgyblion, eu teuluoedd a'r gymuned ehangach. Ledled Cymru, mae llawer o ysgolion eisoes yn darparu rhai gwasanaethau cymunedol, gan gynnwys addysg oedolion, cymorth astudio, cyfleusterau TGCh a rhaglenni chwaraeon cymunedol. Rydym yn ffodus ein bod wedi'n lleoli ar Gampws Garth Olwg, lle rydym yn gweithio mewn partneriaeth â'r Ganolfan Dysgu Gydol Oes, sydd ynddi'i hun, o dan amgylchiadau arferol, yn cynnig ystod eang o gyrsiau a gweithgareddau wedi'u hanelu at bob ystod oedran.

Nid prosiect neu fenter tymor byr yn unig yw datblygu ysgolion bro, ond cyfle gwirioneddol i ysgolion a chymunedau weithio gyda'i gilydd mewn ffyrdd newydd er budd plant, pobl ifanc ac oedolion yn y dyfodol. Cyn i Ysgol Garth Olwg fod yn ysgol 3-19, roedd yr ysgolion cynradd ac uwchradd, sydd bellach wedi uno, yn meddu ar hanes balch o weithgareddau o fewn ein cymuned leol, ac er ei lles. Pan fydd yr amser yn iawn, byddwn yn ailafael yn y gweithgareddau a'r partneriaethau hynny gyda brwdfrydedd o'r newydd.

Adolygu Polisiâu'r Ysgol

Fel Corff Llywodraethol newydd i ysgol newydd, rydym yn gweithio trwy ddiweddarau ein holl bolisiau, gan sicrhau, yn y lle cyntaf, bod pob polisi statudol pwysig yn ei le. Gellir dod o hyd i bolisiau ar wefan yr ysgol. Hefyd, rydym wedi diwygio polisiâu perthnasol yn sgil y coronafeirws.

Anghenion Dysgu Ychwanegol

Mae Polisi'r Ysgol ar gyfer Asesu a Darpariaeth ar gyfer disgyblion ag anghenion dysgu ychwanegol wedi'i grynhoi fel a ganlyn:

Mae Polisi'r Ysgol ar gyfer nodi, asesu a darparu ar gyfer disgyblion ag anghenion dysgu ychwanegol yn gyson â gofynion Cod Ymarfer Anghenion Addysgol Arbennig Cymru, a gyhoeddwyd gan Lywodraeth Cynulliad Cymru ym mis Ionawr 2002.

Mae Cydlynnydd Anghenion Dysgu Ychwanegol (CydADY) yr ysgol yn gweithio'n agos gyda phob aelod arall o staff i sicrhau bod cynlluniau addysg unigol yn cael eu datblygu a'u rhoi ar waith i ddiwallu anghenion disgyblion, yn briodol i'r rheiny sydd eu hangen.

Mae'r Cydlynnydd Anghenion Dysgu Ychwanegol hefyd yn cysylltu â phob aelod o staff, i sicrhau bod cynnydd pob disgybl yn cael ei fonitro a'i asesu'n rheolaidd, a sicrhau bod pob disgybl yn cyflawni ei botensial.

Yn ystod y flwyddyn academaidd bresennol, ar ddyddiad cyfrifiad CYBLD:

- roedd 111 o ddisgyblion yn dilyn cynllun Gweithredu gan yr Ysgol / Gweithredu yn y Blynyddoedd Cynnar;
- roedd 34 o ddisgyblion yn dilyn cynllun Gweithredu gan yr Ysgol a Mwy / Gweithredu yn y Blynyddoedd Cynnar a Mwy (gan gynnwys y rheiny sydd â Nodiadau yn lle Datganiad);
- roedd 1 disgybl yn cael Asesiad Statudol;
- roedd gan 10 disgybl ddatganiadau o Anghenion Addysgol Ychwanegol.

Mae'r bil ADY newydd yn gyrru'r ffordd rydym yn gweithio fel ysgol, ac er y gallai fod oedi wedi digwydd wrth ei roi ar waith, rydym ni'n gwneud cynnydd da yn newid ein harferion gweithio i sicrhau eu bod yn gydnaws â disgwyliadau newydd.

Rydym ni wedi llwyddo i gael cyllid ar gyfer dosbarth cymorth dysgu newydd yn yr ysgol. Mae'r dosbarth cymorth ar gyfer plant ym Mlynnyddoedd 8-10 sy'n cael addysg brif ffrwd yn anodd, a fyddai'n elwa ar gael amgylchedd tawel, mwy anogol. Y bwriad yw lleihau gwaharddiadau, cynyddu presenoldeb, ac yn bwysicach, gwella ymgysylltu, gan arwain at ddeilliannau academaidd gwell.

Mynediad ar gyfer Disgyblion Anabl

Mae'r corff llywodraethol yn ystyriol o ofynion Deddf Gwahaniaethu ar Sail Anabledd (DGSA) 1995 a Deddf Anghenion Arbennig ac Anabledd (SENDA) 2005 yn ei weithredoedd a'i weithgareddau dyddiol.

Mae'r ysgol wedi ymrwymo i sicrhau bod yr holl ddisgyblion yn gallu cymryd rhan yng nghwricwlwm yr ysgol ac (os byddant yn dymuno) mewn gweithgareddau fel clybiau ar ôl yr ysgol, digwyddiadau hamdden / chwaraeon ac ymweliadau addysgol (pan fyddant yn eu lle, a phan fydd cyfyngiadau'r pandemig yn caniatáu iddynt ailddechrau). Mae pob agwedd ar hygyrchedd, gan gynnwys mynediad at wybodaeth ysgrifenedig, wedi eu cynnwys yn y broses gynllunio a'r cynllun hygyrchedd.

Mae'r Awdurdod wedi rhoi Strategaeth Hygyrchedd ar waith, ac yn unol â'r strategaeth hon, cynhaliwyd archwiliad o safle'r ysgol, fel rhan o friff ar draws yr Awdurdod, i nodi unrhyw rwystrau posibl, a gwella'r mynediad i'r ysgol (yn y pen draw).

Gwneuthuriad yr Adeilad a Darpariaeth Toiledau

Addaswyd ein prif adeilad yn haf 2019 i greu darpariaeth ar gyfer Blynyddoedd 5 a 6 yr Ysgol Ganol. Mae'r adeilad hwn bellach yn cynnwys offer da ac yn gwbl hunangynhwysol, sy'n cysylltu â gweddill yr ysgol ganol, yr ysgol uchaf a'r ysgol uwchradd, pan ddymunir. Hefyd, mae hyn wedi rhyddhau gofod yr oedd ei angen yn fawr yn yr ysgol isaf, sydd bellach yn cynnwys disgyblion hyd at Flwyddyn 4.

Rydym ni wedi parhau i gael problemau â thoeau ein holl adeiladau, ac mae gwaith adfer wedi bod yn mynd rhagddo ers dros flwyddyn. Mae'r gwaith wedi'i gwblhau erbyn hyn, ac rydym yn diolch i Gyngor RhCT a'i bartneriaid am wneud y gwaith mor gyflym ac effeithlon â phosibl. Bu'r Awdurdod Lleol yn gweithio'n galed iawn yn ystod Haf 2019 hefyd i wella draeniad ein caeau chwaraeon, na fyddai modd eu defnyddio ar ôl unrhyw fath o law trwm, heb y gwaith.

Mae gennym ddarpariaeth ddigonol o doiledau yn ein holl adeiladau. Caiff y toiledau eu glanhau o leiaf ddwywaith y dydd yn ystod diwrnod ysgol arferol, ac mae tîm o ofalwyr ar gael trwy gydol y dydd os bydd angen eu glanhau ymhellach. Yn ystod y pandemig, caiff y toiledau (ac ardaloedd eraill a ddefnyddir yn aml) eu glanhau yn barhaus trwy gydol y diwrnod ysgol trwy gymorth ychwanegol gan yr ALL.

Gosod Targedau

Mae gwybodaeth am weithredu ac adolygu strategaethau a thargedau'r ysgol wedi ei chofnodi'n fanwl yn y Cynllun Datblygu Ysgol. Nid yw newid mewn polisi o ganlyniad i'r pandemig yn golygu ei fod yn ofynnol i ni gyhoeddi'r rhain. Rydym yn canolbwyntio o hyd ar sicrhau bod ein disgyblion yn cyflawni yn unol â'u potensial.

Gwybodaeth am Bresenoldeb

Rydym ni'n gwbl glir fod disgyblion yn dysgu orau pan fyddant yn yr ysgol, er ein bod yn ymwybodol iawn os na all disgybl ddod i'r ysgol am fod rhaid iddo hunanyysu, yna mae'n rhaid i ni drefnu darpariaeth iddo barhau â'i ddysgu. Nid yw newid mewn polisi o ganlyniad i'r pandemig yn ei gwneud yn ofynnol i ni gyhoeddi data ar bresenoldeb, ond rydym yn falch ar y cyfan ag agwedd ein dysgwyr a'n rhieni ers ailagor yr ysgol i'r holl ddisgyblion ym mis Medi. Mae'n glir fod mwyafrif ein dysgwyr eisiau bod yn yr ysgol, ac yn gwerthfawrogi'r strwythur a'r fframwaith cymdeithasol mae'n ei ddarparu, yn enwedig ar ôl misoedd o gyfnod clo. Byddwn yn parhau i weithio i gadw ein cyfraddau presenoldeb mor uchel ag y bo modd dan yr amgylchiadau presennol.

Trefniadau Derbyn / Pontio

Cyngor Bwrdeistref Sirol Rhondda Cynon Taf yw'r Awdurdod Derbyn ar gyfer pob ysgol (ar wahân i ysgolion Eglwys lle mae corff llywodraethol yr ysgol yn gweithredu fel yr awdurdod derbyn) o fewn ffiniau'r Awdurdod. Felly, mae trefniadau derbyn yr ysgol yn gweithredu yn unol â pholisi'r Awdurdod ar dderbyn i ysgolion, sydd wedi'i gynnwys yn y cyhoeddiad Dechrau'r Ysgol (Starting School). Mae'r llyfr ar gael i rieni pan fyddant yn gwneud cais i dderbyn eu plentyn i'r ysgol. Hefyd, gellir gweld cynnwys y llyfr hwn ar-lein ar wefan yr Awdurdod, sef www.rctcbc.gov.uk.

Data ar Gyrcfannau

Mae'r tabl isod yn amlinellu'r data ar gyrcfannau ar gyfer dysgwyr ôl-18.

Cyrcfan	Myfyrwyr (%)
Prifysgol	76
Cyflogaeth	13
Blwyddyn i Ffwrdd / Cyflogaeth ran-amser	9
Arall	2

Cyflawniadau ym maes Chwaraeon

Gan amlaf, bydd yr ysgol yn cymryd rhan mewn amrywiaeth o ddigwyddiadau chwaraeon, gan gynnwys pêl-rwyd, pêl-droed, rygbi, athletau, dawns a gymnasteg, ond mae'r pandemig wedi ein hatal rhag cynnal cymaint o ornestau gydag ysgolion eraill.

Cynhaliwyd nifer o gyflawniadau chwaraeon eleni. Roedd y rhain yn cynnwys disgyblion yn cynrychioli Cymru yn y campau canlynol:

- Pêl-droed i Ferched o dan 13 ac 15 oed, Capten Pêl-droed i Fechgyn o dan 16 oed gyda chynrychiolwyr o dan 14 oed o 2 o Glybiau Cymru
- Bechgyn o dan 18 oed Rygbi'r Undeb a Bechgyn o dan 15 oed Rygbi'r Gynghair
- Cynrychiolwyr pêl-fasged amrywiol o dan 16 oed ac o dan 14 oed
- Nofwyr Cymru o dan 16 oed
- Sboncen Cymru o dan 14 oed
- Gymnasteg Cymru o dan 14 oed ac 12 oed
- Pencampwyr y DU a Dawnsio Stryd yn yr Eisteddfod Genedlaethol
- Pencampwr Byd Crefftau Ymladd
- Cynrychiolwyr rhanbarthol niferus ar draws rygbi, pêl-droed, pêl-rwyd a chwaraeon eraill

Bwyta'n Iach

Yn Ysgol Garth Olgw, rydym yn hybu bwyta'n iach trwy annog plant i fwyta byrbrydau iach yn ystod amser egwyl y bore, a chinio iach yn ystod amser cinio.

Rydym ni'n addysgu plant am bwysigrwydd diet cytbwys trwy wersi ABCh, gwyddoniaeth a dylunio a thechnoleg, a thrwy ddigwyddiadau thema trwy gydol y flwyddyn yn ogystal.

YSGOL GARTH OLWG**Sut caiff yr Ysgol ei Hariannu?**

Mae'r ALL yn darparu cyllideb i'r ysgol ar gyfer pob blwyddyn ariannol, yn seiliedig ar nifer o ffactorau, gan gynnwys nifer y plant ar y gofrestr ADY, gofod llawr yn yr ysgol, ac ati, ond y prif ffactor yw niferoedd y disgyblion yn yr ysgol. Yr enw ar y cyllid a dderbynnir gan yr ALL yw'r Gyllideb Ysgol Ddirprwyedig.

Wedi i'r ysgol dderbyn y gyllideb ysgol ddirprwyedig, bydd y llywodraethwyr yn penderfynu wedyn sut y dylid dyrannu'r arian hwn, ac yn cytuno ar gyllideb a ddilynir am y flwyddyn. Caiff y cyfrif hwn ei fonitro'n barhaus gan y Pennaeth, y Rheolwr Cyllid, yr ALL ac Is-bwyllgor y Corff Llywodraethol yn eu cyfarfodydd rheolaidd, ynghyd â diweddariadau tymhorol i'r Corff Llywodraethol.

Datganiad Dros Dro ar gyfer Blwyddyn Ariannol 2019-20

Sylwer, fel ysgol newydd a ffurfiwyd ym mis Medi 2019, mae'r gyllideb a amlinellir isod yn gyllideb 7 mis ar gyfer blwyddyn ariannol 2019-20.

	Disgrifiad	£
Gwariant		
Costau Cyflogau	Athrawon / APT / Gweithwyr Llafuriol	£2,650,966.60
Adeiladau	Gwaith Cynnal a Chadw a Chyfleustodau	£301,264.41
Yn Gysylltiedig â Disgyblion	Treth y Pen / Alldaliadau Misol / Cludiant / Arholiadau	£299,142.15
Awdurdod Lleol	Gwasanaethau a CLG	£122,769.70
Arall	Cyllid Grant / Adfachiadau Gwaharddiadau / Cymorth Ymddygiad / ADY / Cyflenwi	£186,337.19
		3,560,480.05
Incwm		
Cyllid Grant	Grant Gwella Addysg / Grant Amddifadedd Disgyblion / Plant sy'n Derbyng Gofal / Dysgu Proffesiynol / Clwstwr	£351,149.16
Cyrff Allanol	CCD / CGA / Colegau / Cyrsiau	£52,681.50
Arall	Secondiad / Campws / yn Gysylltiedig â Disgyblion / Cronfa Breifat / Amrywiol	£171,711.99
		£575,542.65
Cyfanswm	Gwariant namyn yr Incwm = Cyfanswm y Gwariant	£2,984,937.40
Dyraniad Fformiwla	Dyraniad Blynyddoedd 7-11	£2,657,656.03
	Ôl-16	£365,996.28
		£3,023,652.31
Ffigur Dwyyn Ymlaen	Cyfanswm y Cyllid sydd ar gael namyn Cyfanswm y Gwariant	£38,714.91